

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆՈՒ

«---» մարտի 2012թ.

N ----Ա

ՈՐՈՇՈՒՄ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ
ԱԿԱԴԵՄԻԱՅԻ ԱԿԱԴԵՄԻԿՈՍ ՍԵՐԳԵՅ ՀԱՄԲԱՐՁՈՒՄՅԱՆԻՆ
«ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ

Հիմք ընդունելով Երևանի քաղաքապետի առաջարկությունը և ղեկավարվելով
«Երևան քաղաքում տեղական ինքնակառավարման մասին» Հայաստանի
Հանրապետության օրենքի 12-րդ հոդվածի 1-ին մասի 35-րդ կետի դրույթներով՝

Երևան քաղաքի ավագանին որոշում է.

Ակադեմիկոս Սերգեյ Ալեքսանդրի Համբարձումյանին շնորհել «Երևանի
պատվավոր քաղաքացի» կոչում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՅԻ ԱԿԱԴԵՄԻԿՈՍ ՍԵՐԳԵՅ ՀԱՄԲԱՐՁՈՒՄՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Սերգեյ Ալեքսանդրի Համբարձումյանը ծնվել է 17.03.1922թ. Ալեքսանդրապոլում՝ /այժմ Գյումրի/ իրավաբանի ընտանիքում:

1942 թվականին ավարտել է Երևանի Կ. Մարքսի անվան պոլիտեխնիկական ինստիտուտը:

1946 թվականին պաշտպանել է թեկնածուական, 1952 թվականին դոկտորական ատենախոսությունները և ստացել տեխնիկական գիտությունների թեկնածուի, ապա դոկտորի գիտական աստիճաններ:

1953 թվականից պրոֆեսոր է, 1956 թվականին ընտրվել է Հայաստանի ԳԱ թղթակից անդամ, իսկ 1965 թվականին՝ ակադեմիկոս:

Ս. Համբարձումյանի գիտական հետազոտությունների հիմնական բնագավառը դեֆորմացվող պինդ մարմինների մեխանիկան է, որտեղ նա ստեղծել է մի շարք նոր ուղղություններ և դարձել մեխանիկայի հայկական դպրոցի հիմնադիրներից մեկը:

Ս. Համբարձումյանի մենագրություններն ու գիտական հոդվածները թարգմանաբար հրատարակվել են Անգլիայում, Ֆրանսիայում, ԱՄՆ-ում, Հայպոնիայում, Չինաստանում և այլուր:

Նրա հիմնարար աշխատությունները դարձել են անփոխարինելի տեսական ուղեցույցներ նախագծային և կոնստրուկտորա-տեխնոլոգիական բազմաթիվ ինստիտուտների համար:

Համբարձումյանը գիտության մեծ կազմակերպիչ է, նրա նախաձեռնությամբ ստեղծվել են ՀՀ ԳԱ ֆիզիկա-մաթեմատիկական գիտությունների բաժանմունքը, ՀՀ ԳԱ Մաթեմատիկայի և Մեխանիկայի ինստիտուտները:

Նա եղել է ՀՀ ԳԱ ֆիզիկա-տեխնիկական գիտությունների և մեխանիկայի բաժանմունքի առաջին ակադեմիկոս քարտուղարը, Մեխանիկայի ինստիտուտի տնօրեն, 1974-1977թթ. ՀՀ ԳԱ առաջին փոխպրեզիդենտ, ավելի քան 30 տարի նա ՀՀ ԳԱ նախագահության անդամ է:

Ս. Համբարձումյանի կազմակերպչական ունակությունները, որպես գիտության և կրթության կազմակերպչի իրենց լիարժեք դրսևորումն ստացան հատկապես Երևանի պետական համալսարանի ռեկտոր աշխատած տարիներին: Նրա ղեկավարության ավելի քան 14 տարիների ընթացքում բացվեցին փիլիսոփայության և սոցիոլոգիայի, տնտեսական կիրառական մեխանիկայի ֆակուլտետները, ստեղծվեցին չորս ճյուղային լաբորատորիաներ և «Լազերային տեխնիկա» գիտա-արատադրական միավորումը:

Ս.Համբարձումյանը հանդիսանում է Աստղագնացության Միջազգային ակադեմիայի ակադեմիկոս, Գիտության, Կրթության և Արվեստի Միջազգային ակադեմիայի ակադեմիկոս, Ռուսաստանի Դաշնության տեսական և կիրառական մեխանիկայի ազգային կոմիտեի անդամ, Սլովակիայի ԳԱ Մեխանիկների միության

պատվավոր անդամ, Միջազգային ճարտարագիտական ակադեմիայի պատվավոր անդամ, Բրատիսլավայի համալսարանի պատվավոր դոկտոր, ՀՀ ճարտարագիտական համալսարանի ակադեմիկոս և պատվավոր նախագահ:

Ս. Համբարձումյանը Խորհրդային տարիներին ընտրվել է ԽՍՀՄ Լենինյան և Պետական մրցանակների կոմիտեի անդամ, ՀԽՍՀ Պետական մրցանակների կոմիտեի փոխնախագահ, տեսական և կիրառական մեխանիկայի ՀԽՍՀ ազգային կոմիտեի նախագահության անդամ, ԽՍՀՄ ԳԱ և ՀԽՍՀ ԳԱ մի շարք գիտական խորհուրդների և կազմակերպությունների, կենտրոնական և հանրապետական գիտական ամսագրերի խմբագրական կոլեգիաների անդամ:

ԽՍՀՄ տարիներին Ս. Համբարձումյանը պարբերաբար ընտրվել է Երևանի քաղաքային խորհրդի անդամ, ՀԿԿ Երևանի քաղաքային և շրջանային կոմիտեների, ՀԿԿ ԿԿ անդամ, ՀԽՍՀ Գերագույն խորհրդի պատգամավոր և նախագահ, ԽՍՀՄ Գերագույն խորհրդի պատգամավոր և նախագահության անդամ:

Ներկայումս Ս. Համբարձումյանը շարունակում է իր հասարակական գործունեությունը՝ որպես **«ՇԻՐԱԿ ՄԻԶԱԶԳԱՅԻՆ ՄԻՈՒԹՅՈՒՆ» ՀԿ Պատվավոր նախագահ:**

Նա արժանացել է Ս. Ի. Վավիլովի անվան, Լենինի, Աշխատանքային Կարմիր Դրոշի, Հոկտեմբերյան Հեղափոխության, Պատվո նշան շքանշանների և բազմաթիվ մեդալների:

Հաշվի առնելով վերոգրյալը, գիտության բնագավառում ունեցած ծառայությունների, համաշխարհային ճանաչում ստացած նոր գիտական ուղղությունների ստեղծման, մեխանիկայի հայկական դպրոցի հիմնադրման, Հայաստանում բարձրագույն դպրոցի և գիտության զարգացման գործում ակնառու ծառայությունների, ինչպես նաև երկրի հասարակական-քաղաքական կյանքում ունեցած դերի համար ՀՀ ԳԱԱ ակադեմիկոս Սերգեյ Ալեքսանդրի Համբարձումյանին շնորհել «Երևանի պատվավոր քաղաքացի» կոչում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ
ԱԿԱԴԵՄԻԱՅԻ ԱԿԱԴԵՄԻԿՈՍ ՍԵՐԳԵՅ ՀԱՄԲԱՐՁՈՒՄՅԱՆԻՆ «ԵՐԵՎԱՆԻ
ՊԱՏՎԱՎՈՐ ՔԱՂԱՔԱՅԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ
ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Հայաստանի Հանրապետության Գիտությունների ազգային ակադեմիայի ակադեմիկոս Սերգեյ Համբարձումյանին «Երևանի պատվավոր քաղաքացի» կոչում շնորհելու մասին» որոշման նախագծի ընդունման կապակցությամբ այլ իրավական ակտերում լրացումներ և/կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՀՀ ԳԱԱ ԱԿԱԴԵՄԻԿՈՍ ՍԵՐԳԵՅ ՀԱՄԲԱՐՁՈՒՄՅԱՆԻՆ «ԵՐԵՎԱՆԻ ՊԱՏՎԱՎՈՐ
ՔԱՂԱՔԱՅԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ
ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Հայաստանի Հանրապետության Գիտությունների ազգային ակադեմիայի ակադեմիկոս Սերգեյ Համբարձումյանին «Երևանի պատվավոր քաղաքացի» կոչում շնորհելու մասին» որոշման նախագծի ընդունման կապակցությամբ Երևանի բյուջեում լրացումներ և/կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ